

舒

藝

室

隨

筆

舒執室隨筆卷四

南匯張文虎孟彪

向承湘鄉曾文正公命作校刊史記集解索隱正義札記閒有所擬議而不當入記者輒別識之如左

夏本紀山行乘橦漢書溝洫志橦作梠如淳云以鐵如錐頭長半寸施之履下上山據此則卽今之屐也橦梠同紀錄反今音屐爲渠戟反蓋其轉音河渠書作橋疑屨之借字說文屨屨也屨屨也是橋亦屨矣說文無橦字梠

字作山行乘標又別一說

左準繩右規矩案準所以求平繩所以求直規矩所以求高低遠近治水者宜測量地形水勢以施功故一日

不可離集解引王肅云左右言常用也意尙明了小司馬乃云左所運用堪爲人之準繩右所舉動必應規矩也眞夢囈矣

載四時案此謂測中星候晷景漏刻定方向四時當時亦必有其器故云載集解引王肅云所以行不違四時之宜也蓋得其意

周禮太史抱天時與大師同車蓋亦其器而鄭司農解爲抱式則術家所

矣用

周本紀宣王卽位二相輔之修政法文武成康之遺風諸侯復宗周案二相卽上云召公周公也據國語韋注召公卽召虎而周公無攷史敘宣王中興止此十八字凡詩所偁北逐獫狁允南征荆蠻及吉甫方叔之倫概不

書蓋宣王不終史祇依國語作紀故多闕略

西周恐倍秦與諸侯合從集解引文穎曰關東爲從關

西爲橫孟康曰南北爲從東西爲橫正義云關東地南

北長長爲從六國共居之關西地東西廣廣爲橫秦獨

居之案從有聚義說文從隨行也引申爲從橫橫有散

義解如橫決之橫故合眾攻一曰從散眾事一曰橫漢書

敘傳云及至從人樂毅列傳於是使毅約趙惠王別使

連楚魏令趙啗說秦以伐齊之利諸侯害齊湣王之驕

暴皆爭合從與燕伐齊是不得執東西南北長廣之勢

以釋從橫矣

秦本紀惠文君十三年四月戊午魏君爲王韓亦稱王

案上文四年已書齊魏爲王此年是秦惠稱王之歲魏

字衍文

表同今刊本已依志疑刪

至韓爲王尙在後二年

表在韓宣惠十年世

家在十一年

此韓亦稱王四字亦衍文也索隱於上齊魏爲

王注齊威王魏惠王不誤正義於此文嫌魏重出乃注云魏襄王韓宣魏王不辨其爲衍文耳

秦武王三年案水經渭水注引秦本紀武王三年渭水赤三日秦昭王三十四年渭水又大赤三日漢書五行志亦有此文引作史記曰今惟上一條見秦記而本紀皆無之豈佚文與

昭襄王八年使將軍平戎攻楚取新市齊使章子魏使公孫喜韓使暴鳶共攻楚方城取唐昧案六國年表楚

懷王二十八年秦韓魏齊敗我將軍唐昧於重丘當秦  
昭襄六年楚世家亦云二十八年秦乃與齊韓魏共攻  
楚殺楚將唐昧取我重丘而去與年表合而此紀書於  
此年則當楚懷王三十年不知孰誤

九年與攻楚取八城殺其將景快

景快疑卽景  
缺說見札記

十年楚

懷王入朝秦案取楚八城六國表在八年楚世家同是  
爲懷王入秦之歲而此紀又分隸九年十年則於表當  
楚襄之元二矣

秦始皇本紀十年齊人茅焦說秦王曰秦方以天下爲  
事而大王有遷母太后之名恐諸侯聞之由此倍秦也  
案說苑載此事云陛下車裂假父有嫉妬之心囊撲兩

弟有不慈之名遷母咸陽有不孝之行謂毒曰假父謂其所生子曰兩弟而黜之曰不孝直面辱呂政豈有不逢其怒者此非事實史公所述勝中壘多矣

以人魚膏爲燭正義引廣志云鯢魚聲如小兒啼有四足形如鱧可以治牛出伊水案治牛疑誤然水經伊水注引亦同此北山經云泱泱之水其中多人魚其狀如鯢魚四足其音如嬰兒食之無瘕疾郭注或曰人魚卽鯢也似鮎而四足聲如小兒啼然則牛乃瘕字誤

項羽本紀漢皆已入彭城收其貨寶美人日置酒高會案沛公一入秦宮卽欲畱居今入彭城又復如此亦無異於淫昏之主此范增所云貪財好美姬者也宜其爲

羽所破幾至滅亡哉史公於此二事不著之高紀而見之羽紀及畱侯世家此爲高諱而仍不沒其實旁見側出謂之良史不亦宜乎

漢王乃封侯公爲平國君匿弗肯復見曰此天下辯士所居傾國故號爲平國君正義引楚漢春秋云上欲封之乃肯見曰此天下之辯士所居傾國故號爲平國君案匿弗肯復見與上下文不相接漢書高帝紀無匿弗以下二十一字疑後人依楚漢春秋竄入而注中乃肯見三字又卽匿弗肯復見之誤略已見札記猶未竟其說也

楚兵且破信越未有分地其不至固立案此事不書於



高紀不書於畱侯世家信越列傳而書之羽紀者明非此不能破羽也然信越死機則已伏於此

呂太后本紀代王立爲天子二十三年崩諡爲孝文皇帝案孝文自有紀何爲豫書崩年諡法於此二十三年以下十一字蓋後人妄增然史文中類此多矣梁氏志疑輒爲駁黜獨遺此條何與

孝文本紀二年十一月晦日有食之十二月望日又食之案日無比食之理望無日食之事漢書文帝紀五行志皆不書十二月之食下文帝詔亦祇言十一月晦日食以今癸卯元術上攷是年十二月癸卯朔顓頊術同漢書紀志晦則又合殷術太陰交周六宮○一度○四分二十

九秒入會限蓋史文失書日名而是月望太陰交周初  
宮十六度二十四分三十六秒月亦入會限月會例不  
書豈連類而及之邪

景帝紀後二年爲歲不登禁天下不造會不造會集解  
索隱正義皆無注案疑造乃竈之假借字周官大宗伯  
太祝掌六祈一曰造鄭注故書造作竈龜策傳卜先以  
造徐廣曰音竈造與竈音近相借詳見王氏不造會如  
今之行竈爾雅煇炷也郭注今之三隅竈說文炷行竈  
也煇炷也小雅白華樵彼桑薪印煇于煇則古已有之  
禁不造會者行竈苟且不成竈竈列五祀尊竈所以重  
飲食也

三代世表后稷生不窋案國語自后稷之始基靖民十

五王而文始平之韋注十五王后稷不窋鞠公劉慶節

皇僕羌弗

今史本

毀險公非高圉亞圉公叔祖類太王

王季文王蓋

卽本於史記而史記實據國語

十五王謂

若合后稷則十六矣此韋注之誤

然棄當堯舜之時歷夏十七世商二

十九世而周僅十六世必無此理祭公謀父曰昔我先

王世后稷及夏之衰棄稷不務我先王不窋用失其官

不窋當夏之衰其非棄子明甚卽以太子晉所言徵之

亦非謂十五王直接棄梁氏志疑謂史公承國語之誤

子晉周之子孫何至數典而忘自是史公誤讀國語非

國語誤也漢書古今人表尙有辟方子

公非

夷族高圉雲

都

亞圉子

路史發揮有台璽

后稷子

叔均

台璽子

疑猶不止此

但古書亡不可攷耳而史獨著不窋至文王十五世以

合國語之文不知后稷乃官名棄始爲之而子孫世其

職至不窋而廢豈謂棄爲后稷一傳而遂失之哉自史

公紀表有此駁文鄭氏詩譜因之而周初世系從此亂

矣

黃帝終始傳曰漢興百有餘年有人不短不長出自燕

之鄉案霍光事何與於三代世表此褚少孫續貂之尤

鄙謬者漢書儒林傳王式爲昌邑王師以詩諫聞少孫

乃其弟子是生當宣帝之世光薨於地節元年霍禹謀

反於四年少孫此記當在霍氏盛時

霍氏敗後必不敢爲此

造爲

妖言將以取媚玷其師甚矣

十二諸侯年表晉靈公夷皐元年單本索隱出正文作  
晉靈公蜴注云音亦系家及左傳名夷皐此蓋誤也案  
夷皐二字不得誤爲蜴疑蜴本作皐皐羊益反古皐字  
每與皐相亂皐譌爲皐音近誤爲蜴夷皐亦聲之轉

六國表趙成侯五年魏敗我懷六年敗魏涿澤圍魏王

案趙成侯五年當魏惠王元年六年當魏惠王二年也

魏世家言初武侯卒也子罃與公中緩爭爲太子韓趙

用公孫頤說合軍伐魏戰於濁澤卽涿澤趙世家作喙澤魏氏大

敗魏君圍蓋猶魏武侯十六年事及惠王二年乃敗韓

于馬陵敗趙于懷而表及世家皆以敗懷爲成侯五年

或冬春之閒戰非一時史文略之至涿澤之戰及圍魏王事斷不得屬之趙成六年魏世家此年方兩敗韓趙豈得被圍若謂表文錯寫則趙世家亦如此若謂有兩次圍魏則前圍何以不書此不能爲史公解矣

魏襄王元年與諸侯會徐州以相王案杜氏左傳後序引汲冢紀年篇惠王三十六年改元從一年始至十六年而僂惠成王卒云云然則此年爲惠王改元之年自此以下十六年卽史記襄王之年也其自十六年後但僂今王至二十年止蓋作書時未卒故不僂諡而杜氏彊以史表年次命之爲哀王則非也魏世家集解引世本惠王生襄王而無哀王索隱亦云系本襄王生昭王

無哀王高誘注呂氏春秋審應篇云昭王襄王之子顧氏日知錄云襄哀字近史記誤分爲二梁氏志疑以爲稱王故改元與秦惠王改元同又云惠王自言西喪地於秦七百里南辱於楚攷襄王後五年予秦河西地後七年盡入上郡於秦後十二年楚敗魏襄陵所言正指此據此則孟子至梁當在惠王後十二年惠王在位五十二年竹書今王卽襄王或作哀王者猶十二諸侯表以秦哀公陳哀公爲襄公也案梁說甚辯無以易之通鑑考異亦謂紀年魏史所記魏事必得其真故於周慎靚王二年書梁惠王薨襄王立足正史文之譌馬氏釋史表亦

依通鑑

齊宣王十年楚圍我徐州案越世家云當楚威王之時  
越北伐齊齊威王使人說越伐楚楚威王大敗越北破  
齊於徐州楚世家云威王七年齊田嬰欺楚即說越事威  
王伐齊敗之於徐州令必逐田嬰又齊策云楚威王戰  
勝於徐州欲逐嬰子於齊又云齊封田嬰於薛楚王聞  
之大怒將伐齊又云靖國君即田嬰善齊貌辨舍之上舍  
數年威王薨宣王立靖郭君之交大不善於宣王辭而  
之薛云云是楚圍徐州當齊威王時甚明史以宣侵威  
年故以圍徐爲宣王十年事又以湣侵宣年故以燕噲  
子之之亂爲湣王事通鑑損宣前十年以益威損湣前  
十年以益宣故以馬陵之戰爲威王三十九年徐州之



圍爲威王四十六年以破燕之舉爲宣王十九年皆與國策孟子合惟田嬰封薛史以爲湣王三年通鑑書於周顯王四十八年爲齊宣十二年似未契勘於國策田敬仲世家索隱引紀年云威王十四年田盼伐梁戰馬陵孟嘗君列傳索隱引紀年云梁惠王後十三年齊威王封田嬰於薛年次雖不合而皆以爲威王時事

韓宣惠王十年君爲王燕易王十年君爲王同周顯王四十六年也而秦紀韓爲王書於秦惠文十三年當周顯王四十四年韓世家韓宣惠爲王在十一年當周顯王四十七年惟楚世家韓燕爲王竝書於懷王四年與表合史文參錯甚矣

秦楚之際月表二世二年後九月徐廣曰應閏建酉案

術九月壬戌晦霜降後月丁丑立冬十月壬辰朔小雪  
正當閏建戌

漢二年四月王伐楚至彭城壞走

中統本吳前作札記校金板同

因它本多譌壞作懷據傳寬傳疑爲走懷之誤及讀漢  
書王莽傳云大眾崩壞號譁乃悟此壞走字不誤蓋直  
不戰而潰前說非是

後九月徐廣曰應閏建巳案顓頊術建未後一月無中  
氣

高祖功臣侯年表闕氏侯馮解敢索隱云闕氏縣名屬  
安定案漢書地理志安定郡有烏氏縣師古音氏爲支  
與闕氏聲相近然安定郡武帝元鼎三年始置高祖時

宜未有此縣水經清漳水注引司馬彪袁山松郡國志

言涅鄉縣闕與聚漢高祖八年封馮解散漢表亦為本

闕與二字侯國漢書地理志上黨郡有涅氏郡國志縣

闕與卽趙衰破秦兵處也馮奉世傳馮亭上黨潞人與

趙括距秦戰死長平宗族繇是分散或畱潞或在趙疑

解散亦馮亭族上黨乃其故鄉故封之於此酈說當有

所本

戴敬侯彭祖單本索隱出正文秋彭祖注云漢表作祕

音轡韋昭云符蔑反非也今檢史記諸本竝作秋今見

有姓秋者案漢表戴敬侯祕彭祖師古曰今見有祕姓

讀如祕書而韋昭妄為音讀非也然則漢書舊有音讀

如小司馬所引而今本失之然韋昭時未有反切恐傳者之誤顏氏亦不暇辨矣王氏襍志以祕字爲非然廣韻六至祕又姓西秦錄有僕射祕宜元和姓纂祕漢初功臣祕彭祖傳七代西秦錄有僕射祕宜陽湖孫氏云西秦錄作宜與廣韻合而廣韻十八尤秋又姓宋中書舍人秋當是所見史本作祕不作秋故秋姓下獨引當而不引彭祖也至小司馬所見本自作秋而今本合刻竝作祕又妄人所改

惠景閒侯者年表章武孝文後七年六月乙卯景侯寶廣國元年案孝文崩於六月己亥乙卯在其後十六日則章武南皮兩侯皆景帝所封故班表屬之景

建元以來王子侯表扶滯滯字誤當作沘已見札記或疑滯當爲寢說文寢水出魏郡武安東北入呼沱地理志魏郡武安又有寢水東北至東昌入虜池浸今本作寢或作寢焉知滯非寢之壤文案自麥以下二十侯皆城陽頃王子所封不出故地豈此侯獨封於魏郡班表明著琅邪寢水不聞南繞其爲沘字之譌無疑小司馬不能據班表以訂正而音滯爲浸作班馬字類者遂於去聲沁韵出滯字引此爲證亦太疏矣

禮書仲尼沒後受業之徒沈湮而不舉或適齊魯或入河海正義引論語大師摯章爲證史公意未必卽指此然師摯諸人雖非弟子而當孔子反魯正樂或得奉教

於左右執弟子禮未可知觀語魯大師樂及韓詩外傳  
師襄偁夫子可見

歛金氏輔之云

見所校嘉靖丁酉廣東崇正書院重修本漢書眉上海甯唐君仁壽所藏也

孟堅刑法志實本子長律書之旨古者師出以律故名  
爲律書蓋卽兵書也褚少孫妄作輒以律書補之埶會  
周官執同律以聽軍聲之說與子長作書本旨刺謬殊  
甚案金說是也自漢書以律秣同志後代之史多效之  
皆以爲本於孟堅不知孟堅實本子長其自序秣書云  
律居陰而治陽秣居陽而治陰律秣更相治閒不容翹  
忽據此知今本律書十二律名義及律數分寸史公元  
文必在秣書其篇首王者制事立法物度軌則壹稟於

六律六律爲萬事根本此四句當爲秣書起首之文正  
孟堅律秣志所本其下文書曰七正二十八舍云云至  
終篇皆秣書之文中閒兵者聖人所以討强暴以下至  
孔子所稱有德君子者邪則律書本文蓋史公此篇明  
聖人不得已而用兵之故以爲窮兵黷武民不聊生及  
將兵失律者諷故不曰兵書而曰律書續貂者不知其  
意徒見律書殘缺輒割裂秣書之半以足之又自覺其  
不可通乃妄撰其於兵械尤所重以下至何足怪哉凡  
六十字以聯絡之謬矣史公自序總論八書別兵權於  
律秣之外小司馬云兵權卽律書也遷沒之後亡緒少  
孫以律書補之又似八書外別有律書者由不悟律秣

同篇而法律樂律字同義異也

推孟春以至季冬殺氣相并而音尙宮孟春季冬文當互易已見札記音尙宮之說蓋埒會國語伶州鳩之言七律然此亦非少孫所能爲蓋少孫所自撰惟其於兵械尤所重七字及百王不易之道也七字同聲相從物之自然何足怪哉十二字耳餘亦皆剽襲它人者

秣書招致方士唐都分其天部而巴落下閎運算轉秣案漢志敘造太初秣首選鄧平又云詔遷用鄧平所造八十一分律秣則太初秣固鄧平主之而此文祇及都閎疑有殘闕

朕唯未能循明也紬績日分率應水德之勝今日順夏



至案紬續日分句與上下文義不接漢志云依違以惟未能修明其以七年爲元年遂詔卿遂遷與侍郎尊大典星射姓等議造漢秣則此循明也下當有脫文又率應水德之勝句與上下全不相涉亦有脫誤循當爲脩至當爲正已見札記

十一月甲子朔旦冬至已詹其更以七年爲太初元年名焉逢攝提格案此未定秣時語也太初元年六秣皆在丁丑而此云焉逢攝提格者以元封六年概之也元封六年歲星在星紀之次合於歲陰在寅之文故云已得上元本星度而是年十一月甲子朔旦冬至至朔同日又古法相傳上元起甲寅

爾雅釋天歲陽首闕逢歲名首攝提格是其證

武帝好儒慕古改秣以爲名高遂據以爲元首不知元封六年可名焉逢攝提格而不得以之俾太初元年也

詳見卷五

秣術甲子篇案此篇或以爲褚少孫所補或以爲褚取秣官舊謀綴之以太初元年爲秣元仍用四分術氣朔分演算梁氏志疑王氏太歲攷皆以爲殷術不知殷術是年入天紀乙酉部第二章首歲名丁丑天正氣朔皆有餘分四之三不得爲元首并不得爲殷術反覆思之則疑此卽史公與壺遂等初受詔改秣時所定也蓋帝詔直以元封六年十一月甲子朔旦冬至爲秣元不復計及餘分遷遂等依違承詔徒以歲星在丑則太歲在

寅命為焉逢攝提格其餘仍用舊氣朔分

黃帝術以下六術皆同四

分推算以為太初新秬不能它有所更格

周秬太初元年入地紀弟

一節首甲子朔旦冬至氣朔皆無餘分正與此合

迨鄧平改定破紀法八十章

為八十一而謂之統法一元之終多五十七年不得復

其歲名歲餘朔餘皆強於四分

當時蓋亦以氣朔餘分為嫌而無法消弭之故

漢志言姓等奏不能為算逮鄧平定秬增其小餘以四千六百一十七年為元法餘分適盡益得之巧算而即以

此為張壽王而改歲星與日同次之斗建命為歲在困

所詆詳卷五敦此據十一月朔之星次耳其實此時歲星在婺女六

矣史公心有所不善焉特以詔用平術漢志云迺詔遷

律秬不敢執舊法以爭故於秬書存此篇以見意自焉

逢攝提格至祝犁大荒落凡七十六歲合一節之數司小

馬謂太始征和以下其歲名下本不著年今本有者後

並褚先生所續非也

人增之已見札記蓋惟本不著年故索隱正義

然則前

文不及鄧平又詔更七年爲太初元年下不復詳定秭終始蓋有故焉非闕略也

錢少詹謂古以歲陰紀歲後世易之以太歲王氏太歲攷謂歲陰卽太歲特命歲有兩法言之甚詳蓋歲星昭

昭可觀而太歲無可表見故取其應歲星日躔之斗建

以命之或以晨見爲徵

日加丑之時

或以同次爲始然據左

傳春秋時惟以歲星紀歲無言太歲者歲在涒灘之文

獨見呂覽而年次不合

見卷六

以歲陽歲名紀歲惟此篇

爲備其法則見於天官書猶告朔之犧羊乎

天官書星動角益希及五星犯北落入軍軍起火金水  
尤甚火軍憂水患木土軍吉案既云火金水尤甚而其  
下祇言火水不及金蓋脫文疑火軍憂火下當有金字  
漢書天文志作火入軍憂上已云入軍則此入字爲贅  
疑卽金字之誤正義云金火守有兵則知本有金字當  
作火金軍憂史漢文同水患句當重水字作水水患已  
見札記

歲行三十度十六分度之七案依此則歲星行十二歲  
適積三百六十五度四分度之一故可以右旋而紀歲  
亦可立太歲卽史公所謂歲陰見太歲攷左旋相應以紀歲而無如  
歲星之行後世漸疾當春秋時已見其端襄二十八年左傳梓慎曰

歲在星紀而淫於玄枵

故劉歆設爲超辰之術

此歆所立以說春秋者非太初本法

詳見太歲攷

謂歲星每歲常行之外又贏百四十四分之一

歷百四十四年而超一辰則太歲亦應之而超夫後世不以歲星紀歲超次而民不知若太歲亦應之而超將今歲在子而明歲在寅何以示民且歲星亦何超辰矣哉遲疾順逆參錯於兩辰閒不能無岐出漸積至侵一次皆係實行何嘗有由析木而徑跳至玄枵者故超辰之法不可以施於太歲而超辰之說并不可以言歲星月食始日五月者六六月者五五月復六六月者一而五月者五凡百一十三月而復始索隱云依此文唯有一百二十一月與元數甚爲懸校

據此語意似所見史本不止云凡百一十

三既無太初秣術不可得推而疑倒定今以漢志統秣

法統上脫三字計則六月者七五月者一又六月者一五月

者一凡一百三五月而復始耳以上據毛刻單行本其王柯凌等諸合刻

更替亂矣案史文當云六月者七五月者一又六月者七五

月者一又六月者六五月者一凡百三五月而復始

今既謬誤而小司馬注亦有脫文錢氏攷異爲之訂補

矣乃誤以首六月者七置於末中間又六月者七與下

又六月者六互誤札記已正之又小司馬謂無太初術

不可推定今以三統秣法計云云不知三統術卽太初

術也漢志明云閏平法一月之日二十九日八十一分

日之四十三是卽統母之月法二千三百九十二矣又

云詔遷用鄧平所造八十一分律秬續漢律秬志云自  
太初元年始用三統秬又賈逵曰太初秬冬至日在牽  
牛初牽牛中星也又曰太初秬斗二十六度三百八十  
五分今漢志脫分牽牛八度皆與今漢志合蓋歆用太初  
術以證左傳其所爲世經損夏益周橫斷年數見續漢志又  
增歲星超辰術以求密合它無所更革并三統之名亦  
太初術所本有八十一章爲統而非歆所定也若謂史  
公不用平術則食限五月又二十三分之二十太初與  
四分諸術皆同又非史公所能別定矣今自食限起算  
之初至其一終凡百三十五月列爲譜如左以釋讀史  
者之疑命一月爲二十三分累加之盈百三十五爲入限有餘以入後食



一二三四五六會餘三一二三四五六會餘六一二三四五

六會餘九一二三四五六會餘十二一二三四五六會餘十五一二

三四五六會餘十八一二三四五六會餘二十一一二三四五會餘

一二三四五六會餘四一二三四五六會餘七一二三四

五六會餘十一二三四五六會餘十三一二三四五六會餘十六一

二三會餘四五六會餘九一二三四五六會餘十二一二三四五

二會餘一會餘二三會餘五四五六會餘八一二三四五

四五六會餘十一一二三四五六會餘十四一二三四五六會餘十七

一二三四五六會餘二十一二三四五適盡

封禪書武王克殷二年天下未寧而崩案金縢王翼日  
乃瘳下云武王既喪此史臣欲終紀金縢之事故牽連

書之非謂武王暫瘳旋仍崩也魯世家云明日武王有瘳其後武王既崩猶依寫經文至周本紀云武王有瘳後而崩辭意已不達此乃直云克殷二年而崩然則三卜習吉之兆三王特以紿周公邪劉歆謂克殷七年而崩別有攷論

吳太伯世家夫子獲罪於君以在此懼猶不足而又可以畔乎索隱引左傳曰而又何樂此畔字非其義案皇矣詩無然畔援箋訓拔扈蓋聲之轉卷阿之伴與箋訓自縱弛說文伴大也段氏云方言廣雅孟子注皆曰般大也亦謂般卽伴此皆聲近相借然則畔得讀爲般樂之般矣攷異謂畔乃胖字之借大學心廣體胖鄭注胖

猶大也則胖與伴亦同義

齊太公世家蒼兕蒼兕索隱引馬融曰蒼兕主舟楫官

名論衡亦引其文蒼兕者水中之獸善覆人船云索隱引云

蒼兕者水獸九頭蓋兕本水獸又善奔突故以名其水軍猶秦

官名犀首矣犀兕同類

魯周公世家於是乃卽三王而卜卜人皆曰吉發書視

之信吉周公喜開籥乃見書遇吉案金縢乃卜三龜一

習吉啟籥見書乃并是吉蓋三龜一習吉卜人之言證

之以兆書果皆吉也史依寫經文而發書六字與下文

義複疑是旁注誤混

周公乃告太公望召公奭曰案經但云二公疑不得有

太公據齊世家武王已平商而王天下封師尙父於齊營丘東就國道宿行遲逆旅之人曰吾聞時難得而易失客寢甚安殆非就國者也太公聞之夜衣而行犁明至國萊侯來伐與之爭營丘云云又言成王少時管蔡作亂淮夷畔周乃使召康公命太公云云本篇又載太公封於齊五月而報政後伯禽封魯三年而報政周公乃歎曰魯後世其北面事齊矣伯禽卽位之後有管蔡等反也然則太公受封後卽就國不在王朝未知二公者其一爲誰孔冲遠以爲時畢公爲太傅想當然耳趙世家主父及王游沙丘異宮案異宮二字爲句謂主父與王不同居也蓋此時主父與王及公子章並在沙

合卷三 汾水  
上而王別居故章得以主父令召王正義以異宮連上  
爲文是誤解爲離宮矣

趙與燕易王以龍兌汾門臨樂與燕案續漢志涿郡北

新城有汾水關注引史記趙與燕汾門水經易水注云

其水又東逕西故安城西又東流南徑武隧卽遂縣南

新城縣北俗又謂是水爲武隧津津北謂之汾門史記

趙世家孝成王十九年與燕易王以龍兌汾門與燕卽

此也亦曰汾水門蓋汾門之稱舊矣據劉酈所注甚顯

而張守節乃引括地志所襲澠水注之龍門以當之謂

汾字爲誤俱矣

田敬仲世家齊威王七年魏伐我取薛陵案此年衛聲

公元年也趙伐魏取都鄙七十三救亡不暇豈能伐齊此年各國亦無伐齊事薛陵地亦無攷殆誤也

畱侯世家樊噲諫沛公出舍沛公不聽集解引徐廣曰一本噲諫曰沛公欲有天下邪將欲爲富家翁邪沛公曰吾欲有天下噲曰今臣從入秦宮所觀宮室帷帳珠玉重寶鐘鼓之飾奇物不可勝極入其後宮美人婦女以千數此皆秦所以亡天下也願沛公急還霸上無畱宮中沛公不聽案此諫甚切今本過略不知何人所刪漢書亦沒其語非史法也宜著之噲傳

陳丞相世家其計祕世莫得聞集解引桓譚新論云彼陳平必言漢有好麗美女爲道其容貌天下無有今困

急已馳使歸迎取欲進與單于單于見此人必大好愛之愛之則闕氏日以遠疏不如及其未到令漢得脫去亦不持女來矣案此靳尚說鄭袖之故事譚襲之以誣陳平此真所謂薄陋拙惡者也

梁孝王世家子明爲濟川王子彭離爲濟東王子定爲山陽王子不識爲濟陰王案此四句疑非史文乃後人妄增小司馬所據本無故於後分梁爲五國下注之史於濟川等四王皆提明梁孝王子若此處已見則後文屋下架屋矣凡史中似此者可類推

五宗世家河間獻王德二十六年卒集解引漢名臣奏云孝武帝時獻王朝被服造次必於仁義問以五策獻

王軋對無窮孝武帝艷然難之謂獻王曰湯以七十里  
文王百里王其勉之王知其意歸卽縱酒聽樂因以終  
案武帝好勝自雄其於獻王自知不及而故折以惡語  
媚哉表書元光五年來朝而卽以此年薨蓋以憂死世  
家文甚略其有所諱與

老子韓非列傳老子之子名宗宗爲魏將封於段干宗  
子注注子宮宮玄孫假假仕於漢孝文帝案上文孔子  
死後百二十九年周太史儋見秦獻公云云其年周顯  
王十九年也下距漢文帝元年百七十年而宗至假凡  
七世其年數略相當然則宗乃儋子於李耳無涉  
然善屬書離辭王氏襍志釋離爲陳引左傳設服離衛



杜注爲證案易彖傳離麗也王輔嗣云麗猶著也各得  
所著之宜義亦與陳近又疑離乃攤之假借字太玄幽  
攤萬類玉篇云攤張也說文作摛訓舒也段注引蜀都  
賦摛藻挾天庭魏都賦摛翰則華縱春葩證之舒張義  
同與陳義亦不遠摛辭字則後世所常用矣正義云離  
辭猶分析其辭句徒望文耳

老莊申韓同傳或是之或非之案漢初崇尚黃老景武  
時猶然而鼂錯諸人又變而爲名法武帝時用法尤嚴  
於是酷吏興焉史公目擊其弊而爲此傳用意甚深讀  
者殊未理會而漫云史公進黃老何哉漢書藝文志以  
管晏入道家蓋  
亦本史公之意管晏列傳  
正義引七略則云在法家

司馬穰苴列傳景公召穰苴與語兵事大說之以爲將  
軍將兵扞燕晉之師索隱注將軍二字云謂命之爲將  
以將軍也將音卽匠反案小司馬意以春秋時未有將  
軍之官爾觀下又有將兵云云則上文將軍卽其官穰  
苴事它無所徵果在景公時否未可知然老子已有偏  
將軍處左上將軍處右之語則其來久矣篇末云齊威王使大夫論

古司馬兵法附穰苴於其中而國策又有閔王殺穰苴事豈同名邪抑傳聞誤邪姑置之

伍子胥列傳吳人憐之爲立祠於江上因命曰胥山正  
義云吳地記云胥山太湖邊胥湖東岸山西臨胥湖山  
有古丞胥二王廟按其廟不干子胥事太史誤矣案史  
記正義單行本已佚此注闕略疑經刪節水經沔水注

云虞氏曰松江北去吳國五十里江側有承胥二山各有廟魯哀公十三年越使二大夫疇無餘謳陽等伐吳吳人敗之獲二大夫死故立廟于山上號曰承胥二王也此事亦見左傳在子胥後蓋以山名胥而埶會之白起王翦列傳案起翦同傳不特其功相等卽其謝病事亦先後一轍它日再起將兵其所以求自免者用心良苦蓋有鑒於起然亦幸而無應侯之忌功耳

平原君虞卿列傳於是平原君乃斬笑躋者美人頭自造門進躋者夫罷癢誠賢乃近在門牆而不知耶斬頭釋憾何不遂引爲上客秦兵壓境此人安在數千客又安在毛遂出下客李同公孫龍皆非客史特寫此三人

以見數千人乃無一人焉者

范睢蔡澤列傳睢字宋本毛本作睢漢書人表同它本睢睢

襟出黃栳姚本戰國策作睢通鑑作睢集覽音雖案武

梁祠堂畫像有范且錢氏跋尾云戰國秦漢人多名且

穰且豫且夏無且龍且或加佳旁范睢唐睢案魏策唐睢亦作唐且然則作睢者

誤睢相秦昭襄十有餘年而秦本紀六國表絕不書豈

史文脫邪

崔杼淖齒管齊射王股擢王筋索隱云言射王股誤意

以齊莊公不得偁王也案此承上文尊其臣者卑其主

來此兩王字皆主字之譌下又云不爲主計而主不覺

悟是其證

樂毅列傳樂閒曰趙四戰之國也其民習兵伐之不可  
燕王不聽遂伐趙趙使廉頗擊之大破栗腹之軍於鄒  
禽栗腹樂乘樂乘者樂閒之宗也樂閒奔趙據此是樂  
乘亦燕將與燕世家合而趙世家書此事以廉頗所虜  
者爲樂閒梁氏志疑據國策趙使廉頗以八萬遇栗腹  
於鄒使樂乘以五萬遇慶秦於代之文燕趙世家以破  
栗腹卿秦皆廉  
頗事疑  
策文誤以爲燕世家及此傳皆誤不知國策下文又云  
樂閒乘怨不用其計二人卒畱趙正與此傳下文合又  
據傳及燕世家樂閒未爲燕將無由被虜自以不聽其  
言投趙則被虜者實乘趙世家誤爲閒也而其前有與  
慶舍攻秦信梁事者蓋毅本趙人顯於燕其族往來燕

趙閒時或爲之將惟其所使耳

魯仲連鄒陽列傳案魯仲連鄒陽既不同時其人品事迹絕不相類此史公合傳之最不可解者自序云能設詭說解患於圍城輕爵祿樂肆志以論仲連似矣何與於鄒陽陽之可取在諫吳王今反不載其書班書載之與賈山枚乘路溫舒同傳斯勝史公矣

刺客列傳家丈人召使前擊筑索隱劉氏云謂主人翁也又韋昭云古者名男子爲丈夫尊婦嫗爲丈人故漢書宣元六王傳所謂丈人謂淮陽憲王外祖母卽張博母也故古詩曰三日斷五匹丈人故言遲是也

府詩集焦仲卿妻篇丈人字皆作大人如正義所見本

案此注與前晁政傳正義

引韋昭大同惟此丈人字彼注竝作大人而俗本又改爲夫人已見札記古無以丈夫相呼者韋意蓋以古名男子爲丈夫故尊婦嫗爲丈人比之於男子耳其實不然此傳家丈人自當如劉說爲主人翁不必屬之婦嫗又漢高帝呼太上皇爲大人見本紀漢書同齊悼惠王世家魏勃曰失火之家豈暇先言大人而後救火乎正與此言家丈人同意然則丈人大人皆尊屬通稱無別乎男女也

樊鄴滕灌列傳噲乃排闥直入大臣隨之上獨枕一宦者臥噲等見上流涕曰始陛下與臣等起豐沛定天下何其壯也今天下已定又何憊也且陛下病甚大臣震

恐不見臣等計事願獨與一宦者絕乎且陛下獨不見趙高之事乎侃侃數言深切簡括得大臣之體不謂出之於噲也案噲入關諫沛公出舍至鴻門說項羽理直辭壯足折羽之氣此其人必不肖黨呂后以危劉氏者以須比雉幾與祿產同論冤哉

酈生陸賈列傳人或毀辟陽侯於孝惠帝孝惠帝大怒下吏欲誅之呂太后慙不可以言大臣多害辟陽侯行欲遂誅之案朱建事何足道史公因與其子善而及之然惠帝及漢大臣之欲誅辟陽而不果則賴此而見亦非徒蕪累筆墨也

袁盎鼂錯列傳絳侯爲丞相朝罷趨出意得甚上禮之



恭常自送之徐廣曰自一作目案漢書正作目自乃譌  
字也丞相得意而帝目送之蓋嫌之意露矣蓋窺見其  
微而入毀言小人哉或乃以它日徵繫請室唯蓋明絳  
侯無罪以爲古誼不知此蓋明知文帝仁德必不殺勃  
因以結勃耳何古誼之有景帝目送亞夫前後一轍  
居功名之際者可不慎乎  
魏其武安侯列傳武安侯貌侵集解引韋昭以刻确訓  
侵音爲核索隱亦引之音确爲刻案确無核刻二音疑  
本覈字之誤後漢書班固傳有覈仁義之林藪章懷引  
詩有核維旅文選典引李善注引詩徑作有覈蓋本魯  
詩也小司馬音刻蓋劾字之譌玉篇劾一音胡勒切與  
覈同音然确覈字形不相涉何由致誤

匈奴列傳夏道衰而公劉失其稷官變于西戎邑于豳  
案國語及夏之衰棄稷不務我先王不窋用失其官而  
自竄于戎狄之間周本紀云不窋末年夏后氏政衰去  
稷不務不窋以失其官而奔戎狄之間不窋卒子鞠立  
鞠卒子公劉立公劉雖在戎狄之間復修后稷之業與  
國語合此傳固略而言之然已失故步詩譜遂云后稷  
之曾孫曰公劉者自邠而出篤公劉箋云夏之始衰見  
迫逐遂遷於豳豈誤會傳文邪

必我行也爲漢患者案也邪古通用蓋中行說本不冒  
行而彊使之故忿曰必欲我行邪則當教匈奴擾漢意  
甚明顯者者語絕之辭今文牘中猶用之俗乃以爲倒

句法云爲漢患者必我也文不成義且行字爲贅矣  
平津侯主父列傳弘爲人意忌襍志云意疑也案意億  
古通意忌猶猜忌也論語母意母必不億不信億則屢  
中意億皆同義小司馬解爲意多有忌害失其旨

司馬相如列傳獸則牖旄獫狁犛索隱郭璞云牖牖牛領  
有肉堆音容案今之犛牛也案犛在下文此注犛字蓋  
犛之譌爾雅爆牛郭注卽犛牛也領上肉爆肤起玉篇  
爆犛牛也牖牛肤領是爆卽牖牖卽犛牛而犛牛不可  
以釋牖今局刊本已正之

枇杷樾柿棹奈厚朴漢書注引張揖曰樾樾支香草也  
郭璞曰樾支木也師古曰此二句總論樹木不得襍以

香草案此節皆言果類亦不得襍以凡木索隱引徐廣

曰棗也

集解棗作果疑誤

又引說文燃酸小棗淮南子伐燃棗

以爲矜釋之

蓋勝郭注此文所舉除隱夫不可攷

當亦果名

餘皆知爲果李時珍注本草云厚朴實如冬青子生青熟赤有核七八月采之味甘美是亦果也而注家但云藥名失之

淮南衡山王列傳與諸侯王列侯會肄丞相諸侯議案上已云諸侯王列侯則下諸侯二字複衍矣索隱本出正文會肄丞相者蓋此是詔語因有司之請而命其與諸侯王列侯同詣丞相議也者者亦句絕之辭與匈奴列傳中行說語爲漢患者者字同

論語君曰告夫

傳寫

誤作諸淺人妄加侯字已見漢書但作與諸侯王列侯  
議案下文有丞相弘廷尉湯等以聞云云是與丞相會  
議也

酷吏列傳劾鼠掠治傳爰書訊鞠論報攷異云傳蓋傳  
之譌傳讀曰附謂附于爰書案錢說是也說文爰引也  
爰書猶今律文謂可引以治獄也傳者比附之義周禮  
小宰以八成經邦法四曰聽稱責以傳別鄭注傳傳著  
約束於文書比附云者猶今傳比照某律以定罪也蘇  
林訓爰爲易已曲小顏承譌字訓傳爲傳逮上已云掠  
治此乃復云傳逮耶札記簡略故復申言之

大宛列傳河源出于寘其山多玉石采來集解引瓚曰

漢使采取將持來至漢案采來二字連上爲句采當爲采色之采來乃璠之借字說文璠璠玉也廣雅作琤璠玉篇璠玉屬也采來謂采色之璠王氏廣雅疏證引晉書輿服志九嬪銀印青綬佩來璠玉來字正可助吾說然所見本晉書竝作采不知王據何本

錢氏說文解詁亦引晉志作璠

璠王此條互見卷二

游俠列傳何知仁義已嚮其利者爲有德案已當作己已猶身也謂身受其人之利卽其人爲仁義矣索隱音己爲以非

侯之門仁義存案此謂眾以仁義侮之受其利故也所謂跖躋暴戾其徒誦義無窮也索隱云言人臣委質於

舍妻室  
侯王門則須存於仁義若游俠徑挺亦何必肯存仁義  
也不知所謂

今拘學或抱咫尺之義久孤於世案此謂拘守志節獨  
行踽踽不見知於世也索隱云言拘學守義之人或抱  
咫尺纖微之事遂久以當代孤負我志辭繇而意不達  
殊多此一注

龜策列傳衛平乃援式而起仰天而視月之光觀斗所  
指定日處鄉規矩爲輔副以權衡四維已定八卦相望  
視其吉凶介蟲先見乃對元王曰今昔壬子宿在牽牛  
河水大會鬼神相謀漢正南北江河固期南風新至江  
使先來白雲壅漢萬物盡畱斗柄指日使者當囚玄服

而乘輜車其名爲龜案援式而起謂地盤也仰天而視  
月之光者定時也觀斗所指者正月令也定日處鄉者  
正日躔也規矩權衡四維八卦者左規右矩前衡後權  
義見淮南天文訓謂天盤所加十二辰之位也介蟲先  
及漢書律林志見者謂初傳玄武發用也今昔壬午者日辰也宿在牽  
牛者日宿在丑也河水大會者仲冬水王又日時干支  
皆水也漢正南北者夜半時箕斗在子天漢正當南北  
也南風新至者冬至一陽生也斗柄指日者月建在壬  
位也使者當囚者白虎乘子加壬又玄武乘功曹寅也  
今列壬式如左錢氏十駕齋養新錄以爲奇門之式未然

陳句

青龍  
天  
空  
白  
虎



虎子壬酉戊亥子

寅卯辰常丑子合六申丑太常

武陰后常丑子朱合未寅武玄

武寅丑午巳辰卯

騰蛇 天乙 后天陰

故世爲屋不成三瓦而陳之集解徐廣引一本作棟案作棟是也不成三瓦謂中雷也古者後室之雷正當棟下故云不成三瓦而棟之索隱正義訓陳爲居郢書燕

說耳

貨殖列傳必用此爲務輓近世塗民耳目則幾無行矣索隱云輓音晚古通用案說文輓引車也古書未見借

輓爲晚者自小司馬有此注而俗遂書晚近字作輓近以爲古矣不知此文若讀輓爲晚於上下文皆不可通明余有丁云言用此以輓近世之俗此解得之塗民者猶云如塗塗附言近世塗民耳擣目染於聲色嗜欲若必以上古之治輓之不能行也

漢書儒林傳申輓師古曰輓音晚蓋輓晚同音

而義各別

白圭周人也當魏文侯時云云案下文圭自傅其治生產有商鞅行法語商鞅入秦在秦孝公初當梁惠王十年後去魏文侯遠矣呂氏春秋有惠施與白圭匡章問荅則與孟子同時卽治水之丹無疑

揄長袂躡利屣案屣卽躡字說文躡舞履也或作鞣上

文云爲倡優女子則鼓鳴瑟跕屣漢書地理志女子彈  
弦跕躡卽本史文如淳云跕音蹀足之蹀躡音屣臣瓚  
曰躡跟爲跕挂指爲躡師古云躡字與屣同屣謂小履  
之無跟者也跕謂輕躡之也師古所謂小履蓋卽此文  
所謂利屣然則裹足古有之矣跕卽蹀字說文作屣云  
履中段本據元應引改作之荐也段云荐者藉也吳宮有響屣廊  
東宮舊事有絳地文履屣百副卽今婦女鞵下所施高  
底夫屣與裹足事本相因裹足則履小矣剡其首故曰  
利屣履有荐則趾在外而用力在足指故曰躡跟爲跕  
挂指爲躡師古以爲無跟非也疑裹足跕躡爲旋舞之  
飾始於倡優而良家效之廬江小吏妻織織作細步其

一證也昔人以爲始於南唐殆未攷耳

太史公自序在趙者以傳劒論顯蒯瞶其後也正義引

如淳云刺客傳之蒯瞶也

漢書司馬遷傳注引同師此古曰蒯苦怪反瞶五怪反

以別於衛莊公然案刺客列傳無此人說已見札記左傳之申蒯乃齊人其地其時與此文不相當頃覆校刺客傳荆軻嘗遊過榆次與蓋聶論劒蓋聶怒而目之荆軻出人或言復召荆軻蓋聶曰曩者吾與論劒有不稱者吾目之云云卻疑蓋聶卽蒯瞶之誤榆次本趙地古蒯字本作蔽與蓋字竝從艸蔽與益形相涉爾雅釋詁敝釋文云又作噴說文耳部瞶字重文作𦣻與聶字形皆相涉蓋傳寫錯亂如淳魏時人或尙見史記舊文索

隱云蓋古臘反蓋姓聶名則所見本已譌而史漢諸注家及近來錢王諸老於如注與史文不相讐處孰視若無睹何也

春秋文成數萬其指數千集解引張晏曰春秋萬八千字當云減而云成數字誤也駟謂太史公此辭是述董生之言董仲舒自治公羊經傳凡有四萬四千餘字故云文成數萬也索隱引小顏云春秋經一萬八千亦足稱數萬案三說皆非也說文數計也徐音爽主切蓋云文以萬計指以千計諸人誤讀數字爲數目之數遂多窒礙

不韋遷蜀世傳呂覽韓非囚秦說難孤憤案列傳呂覽

之作在不韋相秦時說難孤憤亦韓非未入秦時所作  
此乃自相背違

舒菴室隨筆卷四